

ILLOQARFIUP ILAANUT PILERSAARUT 1A1-1 KUJALLERPAAT



NUUP KOMMUNEA
TEKNIKKIMUT AVATANGIISINULLU INGERLATSIVIK
MAAJI 2007

Imai

Imai.....	2
Ilitsersuut	3
Illoqarfiup ilaanut pilersaarusiolfiusoq.....	4
Nassuiaat	4
Illoqarfiup ilaanut pilersaarummi tunuliaqutaasoq	4
Siusinnerusukkut illoqarfiup ilaanut pilersaarut	4
Illoqarfiup ilaanut pilersaarusiolfiusoq	4
Killeqarfiliineq sanaartukkallu.....	4
Illoqarfiup ilaanut pilersaarutip imai.....	5
Pilersaarusiornermut allamut tunngasut.....	5
Illoqarfiup ilaanut pilersaarutip kingunerisassai	5
Oqallisigineqarfia akuersissutigineqarneralu	7
Aalajangersakkat	8
§ 1 Illoqarfiup ilaanut pilersaarummi siunertat.....	8
§ 2 Illoqarfiup ilaanut pilersaarummi sumiiffiit agguataarinerlu.....	8
§ 3 Atuineq.....	8
§ 4 Aqquserngit biilillu uninngasarfii	8
§ 5 Sanaartorfiup annertussusia inissinneqarneralu	9
§ 6 Sanaartorfiup isikkua	9
§ 7 Nunaminertat sanaartorfiunngitsut.....	9
§ 8 Teknikkikkut sanaartukkat	10
§ 9 Piginnittut peqatigiiffiat	10
§ 10 Atuilernissamut piumasaqaatit.....	10
AKUERSISSUTEQARNERMUT UPPERNARSAAT	11
Akuersissutigineqarnera.....	11

Ilanngussaq 1: Illoqarfiup ilaanut pilersaarusiolfik

Ilanngussaq 2: Immikkoortup agguataarneqarnera, sanaartorfissiat

Ilanngussaq 3: Pilersaarusiarnut titartagaq

Ilitsersuut

Illoqarfiup ilaanut pilersaarummi nunaminertat, illut nutaat, pisuinnaat aqqutaat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq ilusilersorneqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaarutip siunertaa anguniagaalu naatsumik oqaluttu-arineqarput, illoqarfiup ilaanut pilersaarusiortarfiusumi eqqaanilu pioreersut aammalu illoqarfiup ilaanut pilersaarut pilersaarutinit allanut qanoq attuumassuteqarnerisq.

Illoqarfiup ilaanut pilersaarusiortarfiusumi aalajangersakkat atugassaataapput.

Nunaminertanik atuisarneq pillugu Inatsisartut peqqussutaat nr. 6, 19. december 1986-imeersaq, Inatsisartut peqqussutaanni nr. 1, 18. juni 1987-imeersukkut

allanngortinneqartoq, nunaminertanik atuisarneq pilersaarusiortarnerlu pillugit aamma

Nalunaarut nr. 23, 18. november 1992-imeersaq malillugit kommunalbestyrelsi


illoqarfiup ilaanut pilersaarusiortussaataitaavoq:

- Kommunit pilersaarusiortarnerata piviusunngortinneqarnissaa qulakkeerniassallugu pisariaqartinneqarpat.
- Angisuumik illuliassaq, atortulersuutit imaluunniit nunaminertanik akuersissuteqarnerit aallartinneqartinnagit.

Illoqarfiup ilaanut pilersaarusiortussaataitanerup siunertaraa pilersaarusiortarnermi annertunerisumik ataqtigiiissarisooqarnissaa innuttaasullu peqataatinneqarnissaat.

Taamaattumik illoqarfiup ilaanut pilersaarut sivikinnerpaamik sapaatit akunnerini arfinilinni tamanut saqqummiunneqassaaq. Tamanna pereerpat Kommunalbestyrelsip naammagittaalliuutit imaluunniit oqaaseqaatit allannguutissatullu siunnersuutit naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaarutip inatsisitigut atuuffii illoqarfiup ilaanut pilersaarummi erseqqissumik allaaserineqarput.



Asseq 1. Illoqarfiup ilaanut pilersaarusiortofiusoq.

Nassuiaat

Siunnersuut Illoqarfiup ilaanut pilersaarut 1A 1-1, Kujallerpaat, kommunalbestyrelsen matumuuna tamanut tusarniaassutigalugu saqqummiuppaa.

Illoqarfiup ilaanut pilersaarummi tunuliaqutaasoq

Illoqarfiup ilaanut pilersaarummi 1A1-1, Kujallerpaat, siunertaavoq sumiiffimmut ataatsimoortumik pilersaarusiornissaq kiisalu ilinniartut ineqarfiinik inissianillu sanaartornissamik periarfissiinissaq.

Illoqarfiup ilaanut pilersaarut 1A1-1, Kujallerpaat Kujallerpaani illoqarfimmik nutarsaanermut atatillugu sumiiffimmi inissianik akulikillisaasoqarnissaanik pilersaarusiornissamut tunngavissiissaaq. Tamatuma saniatigut Kujallerpaat kitaani immikkoortup nutarteriffiusinnaanera periarfissaalissaaq, sanaartugaareersut inissianik quleriiaanik taarserneqarsinnaallutik sanaartorfiillu nutaat ilanngunneqarsinnaallutik.

Umiarsualivimmut pulajartornermi Nuup qanoq isikkoqarneranik paasinninnermut pingaaruteqartuuvog kollegiap nutaap angissusia aamma GTO-lejreqarnerani sanaajusut sinerissamut qanittumiittut illuliortaatsikkut qanoq tulluussarneqarsimaneri. Taamaammat illoqarfiup ilaanut pilersaarummi qulakkeerneqassaaq kollegiap nutaap immikkoortumi sanaartukkat qalipaataannut ilusaannullu tulluussarneqarsimanissaa.

Sanaartugaq nutaap qaqqamut qanilluni inissisimassaaq Kujallerpaat Jagtvejilu avissaartillugit.

Saniatigullu Jagtvejimi B-1394-ip aamma B-2087-ip akornanni sanaartorfissiaqassaaq.

Illoqarfiup ilaanut pilersaarummi aamma illut pioreersut allineqarsinnaaneri pillugit malittarisassaqqarpoq.

Illoqarfiup ilaanut pilersaarutip nunaminertat sanaartorfiunngitsut biilinullu uninngasarfissat qularnaassavai.

Siusinnerusukkut illoqarfiup ilaanut pilersaarut

Sumiiffimmut siusinnerusukkut illoqarfiup ilaanut pilersaarusiortoqarsimanngilaq.


Illoqarfiup ilaanut pilersaarusiortofiusoq

Killeqarfiliineq sanaartukkallu

Illoqarfiup ilaanut pilersaarummiippat Kujallerpaat eqqaanni nunaminertat. Kangimut sanaartorfiusoq GTO-jusimasup 1961-68-imi inissiaateqarfikorivaa. Sanaartukkat quleriiaariffiusut marluk qaqqajunnaq atuarlugu takissutsimut illugiissillugit sammitinneqarput. Pilersuineri aqqutit illut akornanni imaluunniit ikaartarfiit ataasigut aqqutinut karsiniitinneqarnerat sanaartukkat malunnaatigivaat.

Kimmut illoqarpoq namminersortunit pisortaniilluunniit pigineqartunik. Ataasiakkaanik illut uiguleriiaaqqarpoq sinnerilu illut ataasiakkaajullutik.

Sumiiffimmi sanaartukkat ullumikkut tassaapput inissiat najugaqqarfiugallartut, ilinniartut ineqarfii ilaqtariinnullu ataatsinut inissiat.



Asseq 2. Sanaartugaareersunit isikkivik attatiinnarneqassaaq. (sanaartorfissiaq B-mi sanaartorfissiaq nutaaq).
Avaannaatungaaniit kujammut samminera.

Sumiiffik Kujallerpaat nunataata
assigiinngiaarfivaa kiisalu kujammut
kangimut sammisortaa imaanut ammasumik
isikkiveqarluni.

Kommunimut pilersaarummi sumiiffimmi
immikkut isikkullit attanneqarnissaannut
immikkut piumasaqaateqartoqarsimanngilaq.

Sumiiffik 4.9 ha-it missaanniippoq.

Illoqarfiup ilaanut pilersaarutip imai

Illoqarfiup ilaanut pilersaarut sumiiffinnut
tallimanut agguataarneqarpoq
sanaartugaareersut siunissamilu
sanaartugassat assigiinngitsunik
iluseqarnerinik ataqqinniffiusunik.

Illoqarfiup ilaanut pilersaarummi sumiiffiit
inissianut siunertanut, aamma iliniartut
ineqarfiinut, akulikitsunik pukkitsunillu
sanaartukkanut inissianullu quleriaanut
immikkoortinneqarput.

Sanaartukkat portussusissaat arfinilinnik
quleriillit angullugit inissianik quleriaa
sanasoqarsinnaanngorlugu
aalajangersarneqarput.

Ajornanngiffiani sanaartorfinnik nutaanik
ilanngussisoqarpoq kissaatigineqartut
illoqarfimik nutarsaasoqarniassamat
akulikillisaasoqarniassammallu.

Siunissami allilerinermi sanaartukkat
ammasuunissaat anguniarneqassaaq. Inissianit
eqqaamiorisanit isikkivik eqqarsaatigineqassaaq.

Sumiiffik aqqusinernit marluusunit, Jagtvej
aamma Kujallerpaat sumiiffiup
avannasissortaanut aqquteqarpoq
Kujammukaanullu kujammut kitaatungaata
naqqani (Ottervej) aqquteqarluni. Aqqutit
attatiinnarneqassapput.


Pilersaarusiornermut allamut tunngasut

Kommunimut pilersaarut

Siunnersuut Illoqarfiup ilaanut pilersaarut 1A1-
1, Kujallerpaat Kommunimut pilersaarut 2005-
2014 naapertorlug suliarineqarpoq.

Illoqarfiup ilaanut pilersaarutip kingunerisassai

Illoqarfiup ilaanut pilersaarummi sumiiffiup
siunissami ineriartortinneqarnissaa
malittarisassiuunneqarpoq. Taamaattumik aatsaat
allannguisoqaraangat pilersaarummi
aalajangersakkat atuutilertassapput. Maannamut
inatsisit malillugit atuinerusimasoq maannamutut
ingerlaannarsinnaavoq – aamma piginnittut
allanngoriataaraluarpataluunniit.



Asseq 3. Takussutissami sanaartorfissiani B1-imi aamma C1-imi kollegialiassatut sananeqartussatut siunnersuutigineqartoq angisuunn-
gorlugu takutinneqarpoq. Qulaaniippoq immikkoortup avannaata kangianiit takutinneqarnera ataanilu immikkoortup kujataata kitaaniit
takutinneqarnera..

Inatsisitigut atuuffigigallagai

Illoqarfiup ilaanut pilersaarut tamanut saqqummiunneqareerpat nunaminertat, illuutit sanaartukkallu illoqarfiup ilaanut pilersaarutissatut siunnersuummiittut inaarutaasumik illoqarfiup ilaanut pilersaarutip imaanut akерliusumik atorneqarlutilluunniit sanaartorneqassanngillat.

Inatsisitigut atuuffiugallartut illoqarfiup ilaanut pilersaarutip akuerineqarnissaata tungaanut atuutissapput, taamaattorli siunnersuutit saqqummiunneqarnerata kingorna sivilisunerpaamik ukioq ataaseq.

Akerliussuteqarnissamut killiliussap qaangiunnerani akерliusoqarsimanngippallu kommunalbestyrelsip nunaminertat illoqarfiup ilaanut pilersaarutissatut siunnersuummi ilaatinneqartut atorneqarnissaat

sanaartorfigineqarnissaalluunniit
akuerisinnaavaa, atuineq periusertuunniit
inaarutaasumik illoqarfiup ilaanut
pilersaarutip imaanut akerliunngippat

Illoqarfiup ilaanut pilersaarut 1A1-1,
Kujallerpaat, inaarutaasumik atuutilersutut
tamanut saqqummiunneqarpoq ulloq 12.04.2007.

Inatsisitigut atuuffissavii

Illoqarfiup ilaanut pilersaarut
Kommunalbestyrelsimit inaarutaasumik
akuerineqareerapat tamanullu
saqqummiunneqareerpat nunaminertat, illuutit
sanaartukkallu illoqarfiup ilaanut
pilersaarummi ilaatinneqartut taamaallaat
illoqarfiup ilaanut pilersaarummi
aalajangersakkat malillugit
atorneqarsinnaapput
sanaaartorfigineqarlutilluunniit.

Taamaattorli pisut ilaanni annikinnerusumik
sanioqqutsinikkut immikkut
akuersissuteqartoqarsinnaavoq. Annerusumik
sanioqqutsisoqassappat nutaamik illoqarfiup
ilaanut pilersaarusiortoqartariaqarpoq.

Aammattaaq nunaminertat, illuutit
sanaartukkallu pilersaarummi ilaatinneqartut
pilersinneqarnissaannik illoqarfiup ilaanut
pilersaarut namminermi nassataqanngilaq.

Nunaminertanik, illuutinik sanaartukkanillu
maanna inatsisit malillugit atuineq
maannamutut ingerlaannarsinnaavoq.

Tamatuma ilaatigut kinguneraa nunaminertat,
illuutit sanaartukkallu inatsisit malillugit
maannamutut atorneqarnerisa
ingerlaannarsinnaanera, tamatuma akerlianik
ass. atuinerup allanngortinneqarnera
nutaamilluunniit sanaartorneq illoqarfiup
ilaanut pilersaarummut akerliussanani.

Oqallisigineqarfia akuersissutigineqarneralu

Tamanut tusarniaanerup nalaani siunnersuut
pillugu oqaaseqaatit akerliliissutillu
ataasiakkaat tiguneqarput.

Illoqarfiup ilaanut pilersaarut 1A1-1,
Kujallerpaat, Kommunalbestyrelsimit ulloq
26. marsi 2007-imi suliarineqarpoq
siunnersuummullu sanilliullugu
aaqqissuinikkullu ataasiakkaat
iluarsiissutigalugit akuersissutigineqarluni

Aalajangersakktat

Nunaminertat atorneqarnerat pilersaarusiordfiginerilu pillugit Inatsisartut peqqussutaat nr. 6, 19. december 1986-imeersoq aamma Namminersornerullutik Oqartussat nalunaarutaat nr. 23, 18. november 1992-imeersoq, kingorna allannguuteqartinneqartut, naapertorlugit Kommunalbestyrelsip aalajangersakktat makku matumuuna aalajangersarpai.

§ 1 Illoqarfiup ilaanut pilersaarummi siunertat

- 1.1 Illoqarfiup ilaanut pilersaarummi qularnaarneqassaaq:
- sumiiffiup ilinniartut ineqarfiinik, inissianik akulikitsunik pukkitsunillu kiisalu inissianik quleriiaanik inissialiortiternermut atorneqarnissaa.
 - nutaanik sanaartornissamut sanaartorfinnik immikkoortitsinikkut sumiiffimmi inissianik akulillisaasoqarsinnaanera.

§ 2 Illoqarfiup ilaanut pilersaarummi sumiiffiit agguataarinerlu

- 2.1 Illoqarfiup ilaanut pilersaarusiordfiusoq 4.9 ha-it missaanniippoq Ilanngussaq 1-imilu takutinneqartutut killeqartinneqarluni.
- 2.2 Illoqarfiup ilaanut pilersaarut Ilanngussaq 2-mi takutinneqartutut immikkoortut A, B, C, D, E-mut agguataarneqarput.

§ 3 Atuineq

- 3.1 Sumiiffik ataatsimut isigalugu inissianut siunertanut atorneqassaaq.
- 3.2 Immikkoortup ilaa I illunut uiguleriiaanut/akulikitsunik pukkitsunik snaartukkanut immikkoortinneqarpoq. Inissiamut atatillugu inuussutissarsiummik pilersitsisoqarsinnaavoq tamanna akornutaanngippat.
- 3.3 Immikkoortup ilaa B ammasumik/pukkitsunik

inissialiortiternermut kiisalu quleriiaanik sanaartornermut immikkoortinneqarpoq. Inissiamut atatillugu inuussutissarsiummik pilersitsisoqarsinnaavoq tamanna akornutaanngippat.

- 3.4 Immikkoortup ilaa C ilinniartunut ineqarfilimmik/inuusuttunut inissianik quleriiaanik inissialiortiternissamut immikkoortinneqarpoq kiisalu sarfamut sakkortusaavissamut immikkoortumi A-mi aamma E-mi sakkortusaavissamut atassuserneqarsinnaasoq.
- 3.5 Immikkoortup ilaani C-mi ilinniartunut inissialiortiternermi sumiiffiup pilersorneqarneranut niuertarfeeqqamik pilersitsisoqarsinnaavoq.
- 3.6 Immikkoortup ilaa D quleriiaanik sanaartornissamut kiisalu namminersortut inuussutissarsiorfissaannut immikkoortinneqarpoq.
- 3.7 Immikkoortup ilaa E quleriiaanik inissialiortiternissamut immikkoortinneqarpoq.

§ 4 Aqquserngit biilillu uninngasarfi

- 4.1 Illoqarfiup ilaanut pilersaarusiordfiusumut aqqut Ilanngussaq 2-mi takutinneqartutut pissaaq.
- 4.2 Biilit uninngasarfianni inissiamulluunnit pineqartumut atatillugu nammineq biilit uninngasarfiannut biiliniq unitsitsisoqartassaaq.
- 4.3 Inissianut immikkut biilinit uninngasarfilinnut inissamut ataatsimut biilinit marlunnut uninngasarfiit ilanngunneqassapput.
- 4.4 Immikkoortut ilaanni I, II, IV, V-mi inissiamut ataatsimut minnerpaamik biilit uninngasarfiannik affarmik sanasoqassaaq inissiamut ataatsimut inissatut $> 50 \text{ m}^2$ -iusumik aamma inissiamut ataatsimut inissamik sisamararterutaasumik, tassa $0,25\text{-mik} < 50 \text{ m}^2$ -sumik sanasoqassaaq.

- 4.5 Minnerpaamik biilit uninngasarfiannik inissamik 0,2-mik sanasoqassaaq kollegiami inissiamut ataatsimut/inuusuttunut inissiamut ataatsimut.
- 4.6 Immikkoortup ilaani III-mi niuertarfiup angissusaa naapertorlugu 25 m²-imut minnerpaamik biilit uninngasarfiannik ataatsimik sanasoqassaaq.
- 4.7 Allaffimmut 50 m²-usumut namminersorlunilu inuussutissarsiornermut ataatsimut biilit uninngasarfiannik ataatsimik pilersitsisoqassaaq.
- 4.8 Immikkoortup kujataaniit ooqattaasarfimmut aqqusineeralerneqarnissaa qulakkeerneqassaaq. Sanaartorfissiaq E1-imi anatitsisumit aqqusineeraq suliarineqassaaq, tassa sanaartorfissiaq E1-imi sanasoqarneranut atatillugu.
- § 5 Sanaartorfiup annertussusia inissinneqarneralu**
- 5.1 Sanaartukkat nutaat ilanngussaaq 2-mi sanaartorfinni takutinneqartuni sananeqassapput.
- 5.2 Sanaartugaareersut killilimmik allilernerqarsinnaapput tunngaviatigullu sanaartorfiit taaneqartut iluini.
- 5.3 Inissiat B-455, B-457, B-458, B-459 aamma B-1416 sanaartorfinni B-mi aamma C-miittut isaterneqassapput sanaartukkanillu nutaanik taarserneqassallutik.
- 5.4 Sanaartorfissiaq A1: Sanaartorfimmi taaneqartumi annerpaamik 33,50-imik portussusilimmik (quleriit 3-4 angullugit) sanaartukkallu annerpaamik nunaminertatut 340 m²-usumik nutaamik sanasoqarsinnaavoq.
- 5.5 Sanaartorfissiaq B1: Sanaartorfimmi taaneqartumi annerpaamik 35,00-imik portussusilimmik (quleriit 2-3 tikillugit) sanaartukkallu annerpaamik nunaginertaatut 900 m²-usumik nutaamik sanasoqarsinnaavoq.
- 5.6 Sanaartorfissiaq C1: Sanaartorfimmi taaneqartumi annerpaamik 49,00-imik portussusilimmik (quleriit 6-it angullugit) sanaartukkallu annerpaamik nunaminertaatut 4.500 m²-usumik nutaamik sanasoqarsinnaavoq.
- 5.7 Sanaartorfissiaq E1: sanaartorfissiatut taaneqartup iluani tallimanik quleriilimmik annerpaamik 29,50-imik portussusilimmik (quleriit 5-it angullugit) annerpaamillu sanaartukkap nunaminertaatut 1.200 m²-usumik nutaamik sanasoqarsinnaavoq.
- 5.8 Nunatap ajornartinnigippagu naqqup ataani iniliortoqarsinnaavoq. Taamaattoqassappat sanaartukkap toqqaviata tungaanut nunataq pilerseqqinneqassaaq.
- § 6 Sanaartorfiup isikkua**
- 6.1 Illut qaliaat qalissiarsuarnik qernertunik allamilluunniit taartumik qalliuserneqassapput.
- 6.2 Sumiiffimmi suliffeqarfinnut atatillugu allagartaliinerit illup silataaniitinneqassapput annerpaamillu ½ m²-iussallutik.
- 6.3 Sanaartorfissiaq C1-imi sanaartornissamut akuersissuteqartoqannginnerani silataanut qalliutigineqartussaq Kommunalbestyrelsimit akuersissutigineqaqqaassaaq.
- § 7 Nunaminertat sanaartorfiunngitsut**
- 7.1 Aneerfissamut meeqqallu pinnguarfissaannut minnerpaamik inissiamut ataatsimut 10 m²-itut annertutigisumik nunaminertaliisoqassaaq.
- 7.2 Sumiiffimmi pinnguarterfissamut nunaminertaliisoqassaaq minnerpaamik inissiamut ataatsimut 15 m²-itut annertutigisumik.
- 7.3 § 7.1-imi aamma § 7.2-mi minnerpaamik 50 %-imik atugassiisoqassaaq.

- 7.4 Nunaminertat sanaartorfiunngitsut sanaartornerup nalaani qaqqajunnamillu qaartiterinermi sapinngisamik illersorneqassapput.
- 7.5 Nunaminertani najugarineqanngitsuni sanaartorneq, qaartiterineq allatulluunniit suliaqarneq pissutigalugu naasut ajortinneqarpata pilerseqqinneqassapput.
- 7.6 Illuummik piginnittoq illuutimi eqqaa kaajallallugu kusanartuutitsinissamut eqqiluutsuutitsinissamullu pisussaaffeqarpoq.
- § 8 Teknikkikkut sanaartukkat**
- 8.1 Imikoq tamarmi kuuffinnut ingerlatinneqassaaq.
- 8.2 Imeq nunakkut kuuttoq, kuuffikkut kuuttoq illullu qaliaanit kuuttoq kuuffimmut aqquserneqassanngilaq sanaartukkanulli, aqqusinernut, aqqusineeqqanut, nunaminertanut sanaartorfiunngitsunut assigisaannullu ajoqutaajunnaarlugu allamut ingerlatinneqassalluni, assersuutigalugu kussinernut aqquserneqarluni.
- 8.3 Sanaartukkat nutaat innaallagiatortumik aalajangersimasumik avatangiisinulluunniit eqqortumik nukissiuutinik allanik atuiffiussapput.
- 8.4 Sanaartukkat tamarmik pisortat kuuffissuinut imermillu pilersuutaannut attavilerneqar-simassapput.
- 8.5 Teknikkikkut sanaartukkat, nuussisarfiit assigisaallu ilusilersugaanermikkut sumiiffimmi sanaartukkanut allanut naleqqussarneqassapput sumiiffimmut tulluussarneqassallutik.
- § 9 Piginnittut peqatigiiffiat**
- 9.1 Illoqarfiup ilaanut pilersaarusiortiusumi ataatsimut
- 9.2 Peqatigiiffiup illoqarfiup ilaanut pilersaarusiortimmi biilit uninngasarfiat ataatsimoorussaq, aqqusineeqqat nunaminertallu sanaartorfiunngitsut aserfallatsaaliussavai (aamma ukiukkut).
- 9.3 Peqatigiiffiup najukkani pillugu Nuup Kommunea ingerlaavartumik ilisimatittassavaa.
- § 10 Atuilernissamut piumasaqaatit**
- 10.1 Sanaartukkat nutaat nunaminertat sanaartorfiunngitsut pilerseqqinneqarnerat sioqqullugu Nuup Kommuneanit akuersisoqaqqaartinagu atorneqalissanngillat.

AKUERSISSUTEQARNERMUT UPPERNARSAAT

Akuersissutigineqarnera.


Nuup Kommuneani Kommunalbestyrelsip matumuuna Illoqarfiup ilaanut pilersaarut 1A1-1, Kujallerpaat, akuersissutigivaa.

Nuup Kommunea, ulloq

Agnethe Davidsen
Borgmesteri
Borgmester

Kim Hvistendahl
Pisortaaq
Adm. direktør

Illoqarfiup ilaanut pilersaarut 1A1-1, Kujallerpaat, inaarutaasumik akuersissutigineqarluni tamanut saqqummiunneqarpoq ulloq 12.04.2007.




ILLOQARFIUP ILAANUT PILERSAARUT 1A1-1, KUJALLERPAAT

ILANNGUSSAQ 1: ILLOQARFIUP ILAANUT
PILERSAARUSIORFIK

ULLOQ/DATO: 21. FEB. 2007
SKALA: 1/2.500
ÆKVIDISTANCE: 2 m
SULL./SAGSBEH.: GURA



**NUUP KOMMUNEA
TEKNIKKIMUT AVATANGIISINULLU
INGERLATSIVIK**




**ILLOQARFIUP ILAANUT PILERSAARUT
1A1-1, KUJALLERPAAT**
ILANNGUSSAQ 2: IMMIKKOORTUP AGGUARNERA,
SANAARTORFISSIAQ

ULLQOQ/DATO: 21. FEB. 2007
SKALA: 1/2.500
ÆKVIDISTANCE: 2 m
SULL./SAGSBEH.: GURA



NUUP KOMMUNEA
TEKNIKKIMUT AVATANGIISINULLU
INGERLATSIVIK



**ILLOQARFIUP ILAANUT PILERSAARUT
1A1-1, KUJALLERPAAT**
ILANNGUSSAQ 3: PILERSAARUSIAMUT
TITARTAGAQ

ULLQQ/DATO: 21. FEB. 2007
SKALA: 1/2.500
ÆKVIDISTANCE: 2 m
SULL./SAGSBEH.: GURA



NUUP KOMMUNEA
TEKNIKKIMUT AVATANGIISINULLU
INGERLATSIVIK